

**F**erræ huius nomen cum minimè antiquum sit, utpote cuius supra quin-  
gentos annos nemo scriptorum meminerit, de eius origine asseuerari  
nihil potest. Sunt qui referant ad Flanbertum Clodij ex Blessinda for-  
re, Sicambrorum regis nepote, ac Falandi filium, quem Clodius captus  
Rotomago, & adiacentibus littoribus maris prefecisse dicitur, malunt a-  
lij à Flandrina deriuare, vxore Liedericî comitis ab Haerlebeken, aiuntq; ob eius in-  
signia merita in Imperatorem voluisse Carolum Magnum hanc prouinciam vxoris  
ipius nomine vocari. alij ex fluctibus flatibusque continuis quibus regio hæc obno-  
xia est, natam vocem credunt. Hæc prouincia ex multis dioccesibus ac regiunculis in  
vnum, conflata est comitatum Rutheni namque erant qui circa Iccium portum, nunc  
Calis, confidebant, ab eorum duce Ruthenio: tenebantque littora maris, qui tractus  
hodie vulgò terra Guysonum, (*th. ant. von Gwynen*) dicitur. Morini dicebantur qui Ter-  
rouanam ac adiacentem regionem tenebant, Blandinos etiam appellatos reperias à  
Blandinio eorum Principe. Regionis incolæ ita olim bello addicti fuere, vt quieti  
pacatiue vix vnquam viuerent; ac Syriam etiam, terramque sanctam ac Hierosoly-  
mam, eorum arma peruaderent. Hodie humani adeo, atque ciuiles sunt, vt nusquam  
ferè gentium exteriores peregriniquæ, humaniores ac hospiales magis experiantur.  
Mercaturæ sedulam nauant operam; mechanicis frequentissimi incumbunt; ita vt op-  
pidum in ea pagumque vix reperire sit qui non in 70. aut 80. interdum diuidatur op-  
pifica, singulis frequentissimis hominum cætibus addictis. ac quod vix alibi videre  
est, haud reperias pueros quatuor annos natos, qui non sufficientes sint labore suo vi-  
ctam sibi comparare. Cùm enim pannorum, tam laneorum quam lineorum ingentè  
copiam concinnent: hi aut fila fuso ducunt, aut in globulas ea redigunt, aut lanam  
tractant seliguntque, aut aliud quippiam operæ impendunt. Vnde cùm populosissi-  
ma sit prouincia confertique habitent, ita vt pagi complures vix populosissimæ Ger-  
maniæ vrbi habitatorum frequentia cedant, fit vt in plerisque oppidis, quotannis tel-  
larum aliquot millia absoluantur quin & præter hos pannos alia etiam diuersa tela  
sua ipsi lingua Tapisserien, id est, Tapetia, Saie, Filtain, Boucrain, & Bourat vocant  
Diuidebatur hæc regio olim in tres partes: in Comitatum sub regibus Galliæ, in Do-  
minium sub Imperio, & in proprium sub ipso Comite. Hodie diuiditur in Flandriam  
Teutonicam Gallicam, & Imperatoriam, quam & proprietariam vocant. Imperato-  
ria, quod dudum Romanorum Imperio subiecta fuerit, alio etiam nomine Alostensis  
comitatus dicitur, ab eiusdem in ea nominis oppido, regio haud amplè inter Den-  
deram & Scaldim fluuios comprehensa, hæc insuper Flandriæ portio subdiuiditur  
in comitatum Alostensem, Dendermondense territorium, & quatuor (vt vocant) of-  
ficia siue praefecturas, quæ sunt Axel, Hulst, Assenede, Bouchouten. hæcque Flandriæ  
portio propemodum habetur fertilissima. Teutonica autem est ea quæ terminatur à  
Sept. Oceano, à Mer. Lyza flu ab Or Scaldi, ab Occ. Fossa noua & Arthesia estque hæc  
pars minus fertilis, solumque sabulosum & macrum habet. continet hæc pars quatuor  
Flandriæ membra primaria Gandauum, Brugas, Ypram, & Liberas tres urbium  
principalium, quarum primas tenet Gandauum. hanc ante Iul. Cæs aduentum Odue-  
um, alij Clarineam appellatam tradunt, ac deinceps Gaidam ab ædificio seu castro i-  
bidem à Cæsare extructo, vrbs est quoad situm, munitissima ac per ampla, ita vt inter  
maximas Europæ vrbes cõnumerari debeat: habet enim intra muros circuitu 45640.  
pedes



*Flandria parua loco, sed nomine maxima et est re: singula sunt alijs, haec bona cuncta tenet*



*Flandia Gallia Belgica provincia ce-  
leberrima continet in longitudine miliaria flan-  
drica 91. in latitudine vero 20. Cuius termini sui-  
t à Septentrione Oceanus Germanicus à Meridie  
Flannonia et Arghia. ab Occidente Gallia. ab Oriete ve-  
ro Brantia Regni est cum terra que hominis vi. tua con-  
ueniunt facienda. Urbis munitaria frequet in nulli cedens.*



pedes Romanos, qui conficiunt miliaria Italica septem reperias intra mœnia insu-  
 las habitatas circiter 26. Brugæ à pontium multitudine nomen trahens, & tertia ex  
 quatuor istis Hanseatici fœderis sedibus, à quibusdam etiam phanum Mercurij appel-  
 latum: olim splendore suo totâ Flandriam obsuscans, iam in minore fortuna versa-  
 tur. Ypra à præter suo eiusdem nominis torrente sic appellata, quæ fundum solumq;  
 habere dicitur plumbeum, ob infinitos canales plumbeos, ibidem vnde quaque inse-  
 tos, vt commoditatem præstent maximam singulis penè domibus ac vicis aquam lar-  
 gientes Liberi (t Landt van den Vrien) vocantur, quòd iugum Brugenfium exculle-  
 rint. Flandria Gallica, eo quòd lingua vtatur Gallica, à Mer. attingit dicecesin Came-  
 racensem, ab Or. Scaldi flu. & Artheia terminatur. Regio haud ampla, ac supra modû  
 quàm dici queat, fertilis, cum rerum omnium, tum imprimis frumenti & rubæ tin-  
 ctoria, prata ac pabula habet latissima. continet oppida atque vrbes elegantes & opu-  
 lentas, quarum prima est Insula (vulgò Rysel) perpulchra & diues, emporium post  
 Antuerpiam & Amsterodamum primas tenens Duacum (catuaces videntur à Cæsa-  
 re dici) fontium scaturigines limpidiſſimas habet. Tornacum (quos Cæf. Neruios vo-  
 cat) nonnullis Ptolomei Baganum esse creditur. Ac vt multa simul complectar, habet  
 vniuersa Flandria ciuitates mœnibus cinctas numero 28. pagi numerantur 1154.  
 vt non immeritò Hispani eò venientes omnem Flandriam vnam ciui-  
 tatem esse dixerint. Terra plana est, fyluas complures habens,  
 olim etenim in vniuersum ferè fyluis  
 horruerat.

